

" net/ weil er Johannes geheissen/ es müsse der Johannes Faust
 " gewesen seyn/) der habe in der heiligen Christnacht/ sampt noch
 " einem ungenanten Diebe alle Typos vnd was darzu gehöret/
 " zusammen geraspelt/ vnd also damit diebischer weise davon
 " gezogen/ anfangs sey er nach Amsterdamm/ darnach gen Eölln/
 " vnd endlich nach Mayns kommen/ all da habe er seine gestohle
 " ne Werckstatt auffgeschlagen/ vnd noch innerhalb Jahres
 " Frist Anno 1442. mit denselben Buchstaben gedruckt/ vnd ans
 " Liecht gegeben Alexandri Galli Doctrinale, oder Gramma-
 " ticam mit des Petri Hispani Tractaten. Bis hieher Junius.

Welche Narration vnd Erzählung ob sie wol speciosè vor-
 bracht/ so helt doch das Fundament, darauff sie gegründet/
 den Stich nicht/ vnd zwar daher/ weil sie meist auff hören sa-
 gen Nicolai Gali vnd Qvirini Talei, vnd endlich auffm Zeug-
 nüß eines achtzigjährigen Buchbinders Corneliu beruhet/ der
 sich gerühmet/ daß er dazumal in solcher Künsterischen Officin,
 als dieser Diebstal begangen/ subminister Junge gewesen we-
 re/ gleichwol aber den Namen des vermeynten Diebes/ mit dem
 er doch etliche Monat durch in einer Kammer geschlafen/ nicht
 zu nennen wissen: Welches den trefflich vnscheinbar, vnd dabe-
 ro diesen wichtigẽ Werck die Folge nicht wol gibel/ zu geschwei-
 gen anderer Umstände vnd inconuenientien, so ganz vnd
 gar mit diesem Zeugnüß nicht können conciliiret werden/ des
 ren einezi emliche Anzahl anführet Herr D. Daniel Kramer/
 Superintendentens zu Stetin/ in Jobs bleyernem Schreibetäfel
 lein/ ¹⁾ dahin ich den günstigen Leser geliebter Kürze halben
 hiermit verwiesen haben will.

Ein besser vnd stärker Fundament haben wir Oberlän-
 der vnd Hochteutschen/ wir fussen auff glaubwürdiger Scri-
 benten vnd vnser Adversarien eigenen Aussage vnd historis-
 scher relation, die denn in diesem einhellig überein kommen/
 daß

D also nennet
 er die Leich-
 predigt/ so er
 David Rehö-
 ten/ einem
 Buchtrucker
 zu Stettin ge-
 than/ vnd zu
 finden in der
 Hornschuch-
 schen Ortho-
 typographia
 alhier in
 Teutscher
 Sprache/
 durch T. H. D.
 ausgegangen/
 vnd bey Gre-
 gorio Rig.
 schẽ gedruckt
 Anno 1634.